



SLUŽBENI GLASNIK UNSKO-SANSKOG KANTONA

Godina XVII - Broj 5	20. marta 2013. BIHAĆ	Izdanje na bosanskom jeziku
----------------------	--------------------------	--------------------------------



165.

Na osnovu poglavlja V, odjeljak A.2. člana 11. stav 1. tačka n) Ustava Unsko-sanskog kantona (“Službeni glasnik Unsko-sanskog kantona” broj: 01/4 i 11/04), člana 3. i 6. Zakona o ustanovama (“Službeni list Republike Bosne i Hercegovine”, broj 6/92, 8/93) i člana 38. Zakona o prodaji stanova nad kojim postoji stanarsko pravo (“Sl. novine Federacije Bosne i Hercegovine”, broj 27/97 i 11/98), člana 23. Zakona o dopunskim pravima branilaca i članova njihovih porodica (“Službeni glasnik Unsko-sanskog kantona” broj: 3/05, 1/09 i 29/12), Skupština Unsko-sanskog kantona, na prijedlog Vlade Unsko-sanskog kantona, na 33. sjednici održanoj dana 27.02.2013. godine, donijela je sljedeću:

ODLUKU

**O IZMJENI I DOPUNI ODLUKE
O OSNIVANJU JAVNE USTANOVE
KANTONALNI FOND ZA POMOĆ U
STAMBENOM ZBRINJAVANJU PORODICA
ŠEHIDA I POGINULIH BORACA, RATNIH
VOJNIH INVALIDA, DEMOBILISANIH
BORACA, PROGNANIH OSOBA I
SOCIJALNO UGROŽENIH KATEGORIJA**

Član 1.

Član 1. Odluke o osnivanju javne ustanove „Kontonalni fond za pomoć u stambenom zbrinjavanju porodica šehida i poginulih boraca, ratnih vojnih invalida, demobilisanih boraca, prognanih osoba i socijalno ugroženih kategorija“ („Službeni glasnik Unsko-sanskog kantona“ broj: 7/08), mijenja se i glasi:

„Ovom Odlukom u svrhu izgradnje stanova i osiguravanja sredstava za izgradnju stanova i zapošljavanje i drugih prava utvrđenih ovom Odlukom za članove boračkih populacija (porodice šehida i poginulih boraca, ratni vojni invalidi, demobilisani borci), prognanih osoba i socijalno ugroženih kategorija, osniva se Kantonalni fond za pomoć u stambenom zbrinjavanju i zapošljavanju boračkih populacija, prognanih osoba i socijalno ugroženih kategorija (u daljem tekstu: Kantonalni fond)“”.

Član 2.

Član 3. mijenja se i glasi:

„Naziv Javne ustanove je: Javna ustanova Kantonalni fond za pomoć u stambenom zbrinjavanju i zapošljavanju boračkih populacija, prognanih osoba i socijalno ugroženih kategorija.“

Član 3.

Član 7. mijenja se i glasi:

„Djelatnosti kantonalnog fonda su:

81.10, 84.11, 91.01 Pomoćne aktivnosti za funkcioniranje Vlade na nivou kantona ili regije,

81.10, 84.11, 91.01 Pomoćne aktivnosti za funkcioniranje Vlade na lokalnom općinskom nivou,

64.92,64.99 Ostalo kreditno posredovanje koje se odnosi na davanje kredita institucijama koje se ne bave monetarnim posredovanjem,

69.20 Računovodstveni, knjigovodstveni, i revizijski poslovi,

71.11, 71.12, 74.20, 74.90 Arhitektonske i inžinjerske djelatnosti, tehničko savjetovanje,

41.20, Visokogradnja,

68.10 Poslovanje nekretninama,

59.20, 63.99, 74.10, 74.90, 77.40, 82.30, 82.91, 82.99 Ostale poslovne djelatnosti, d.n.

88.10. Djelatnosti i organizacija za zbrinjavanje invalida,

88.99. Djelatnost humanitarnih organizacija,

78.10. Djelatnost agencije za zapošljavanje,

78.20. Djelatnost agencije za privremeno zapošljavanje,

78.30. Ostalo ustupanje ljudskih resursa,

64.99. Ostale finansijske uslužne djelatnosti, osim osiguranja i mirovinskih fondova, d.n.

Kantonalni fond može obavljati više

djelatnosti iz stava 1. ovog člana ako ispunjava uslove utvrđene Zakonom za svaku od tih djelatnosti.

U okviru upisane djelatnosti, kantonalni fond priprema i predlaže osnivaču godišnje programe i planove u segmentima:

- pomoći u stambenom zbrinjavanju boračkih populacija kreditiranjem dogradnje, sanacije i adaptacije porodičnih stambenih objekata,
- pomoći u zapošljavanju i samozapošljavanju boračkih populacija, prognanih osoba i socijalno ugroženih kategorija,
- investiranje u izgradnju novih stambenih jedinica plasmanom kredita za kupovinu stanova sa subvencioniranjem cijene stanova,
- investiranje u izgradnju stambenih objekata za stambeno nezbrinute ratne vojne invalide 100% prve grupe,
- uređuje građevinsko zemljište za izgradnju stambenih objekata,
- ugovara izgradnju i kupovinu stanova sa domaćim fizičkim i pravnim licima,
- predlaže finansijske planove i mјere za unapređenje ubiranja sredstava za realizaciju planova i programa,
- osigurava mјere i aktivnosti za realizaciju planova i programa,
- vrši ostale poslove utvrđene Pravilima Kantonalnog fonda i drugim propisima.

Pored poslova iz djelatnosti upisanih u Sudski registar, Kantonalni fond može obavljati i druge poslove utvrđene Pravilima koji se uobičajeno obavljaju uz djelatnosti upisane u Sudski registar u obimu i načinu kojim se doprinosi uspješnosti poslovanja i ostvarivanja funkcije vršenja usluga u oblasti za koju je osnovan.

Član 4.

„Član 27. briše se“

Član 5.

„Ova Odluka stupa na snagu danom objavljivanja u „Službenom glasniku Unsko-sanskog kantona“.

Broj: 01-02-3- 482/13

27.02.2013.godine

B i h a č

Predsjedavajući Skupštine
Unsko-sanskog kantona
Admir Hadžipašić, dipl. pravnik